

圖書集成

卷一百一十五

清季外交史料卷十五

光緒五年正月至六月

目錄

諭何璟等烏石山教案着迅速籌辦完結正月初三日

總署奏據朝鮮王咨日本不認朝鮮爲中國屬國請由朝鮮自行酌

復摺正月十八日

駐藏大臣松淮等奏辦理哲孟雄邊界事務完結摺附信字二月初七日

使俄崇厚奏行抵俄京並謁見外部摺二月二十三日

總署致俄使請勿發給白彥虎夥黨路票照會二月二十三日

總署奏檀香山擬設商董由駐美公使發給諭帖摺二月二十三日

總署奏俄使照覆安集延糾衆擾邊事已設法禁止片二月二十三日

使英法曾紀澤奏報抵法呈遞國書摺二月二十三日

使英法郭嵩燾奏報交卸出使事務遵旨回京摺三月初四日

總署奏據桂撫楊重雅奏伏莽未淨洋人遽難通商片三月十三日

總署奏議覆何如璋函述日本阻梗琉球入貢一案相機酌辦摺三

月十九日

閩督何璟等奏辦結烏石山教案摺三月二十二日

閩督何璟等奏英使威妥瑪到閩言教士願將被燬洋樓拆去片附

上諭三月二十二日

旨寄沈葆楨等日本阻琉球入貢情殊叵測應妥速籌畫以固藩籬

三月二十八日

卷十五

光緒二十五年五月

總署奏據使俄崇厚電報商辦交收伊犁摺閏三月初一日

閩督何璟等奏英教士翻悔烏石山換地片閏三月初四日

總署奏日阻琉球入貢請飭使臣何如璋暫勿歸國摺閏三月初五日

川督丁寶楨等奏會籌藏中應辦事宜摺附廷寄閏三月二十三日

前閩撫丁日昌奏英教士侵佔烏石山一案該教士翻悔前議摺附

廷寄閏三月二十三日

使俄崇厚奏俄國允將越界滋事之人聽中國懲辦摺

附廷寄閏三月二十四日

總署奏俄人允還伊犁請派大員接收摺附廷寄四月初七日

總署奏法使呈遞國書請照案給予覆書摺四月初七日

甘督左宗棠奏俄國哈薩克人來著勒土斯山游牧陳明辦法片四

月十二日

使俄崇厚奏與俄外部商辦收還伊犁事宜摺四月二十九日

總署奏請將交收伊犁辦法議妥後再行弛禁通商摺六月初五日

總署奏請飭崇厚妥商俄國交還伊犁片

附上諭六月初五日

使美日祕國陳蘭彬奏報抵任呈遞國書摺六月十七日

桂撫張樹聲奏統籌越南勦匪事宜摺六月二十一日

使英法曾紀澤奏法國新鑄銀圓甚願通行中國據情上陳摺附咨

文六月二十四日

清季外交史料卷十五

黃巖弢夫王彥威輯

男希隱亮編

孫孝章敬立校

諭何璟等烏石山教案着迅速籌辦完結

上諭何璟等奏辦理洋案情形等語福建烏石山教堂一案該督等擬辦各摺尙屬周妥至所稱該領事星察理一味狡執且知中國意在速結刁橫愈甚是以暫與相持固爲慎重起見惟此等交涉事宜日久遲延恐將來辦理愈形棘手仍當早爲辦結以免枝節叢生丁日昌已於上年十二月抵閩尙爲迅速即著何璟丁日昌李明墀悉心會商將此

案妥速籌辦完結正月初三日廷寄

總署奏據朝鮮王咨日本不認朝鮮爲中國屬國請由
朝鮮自行酌復摺

總理各國事務恭親王奕訢等奏爲奏聞事光緒五年正月初六日准禮部咨稱鈔錄朝鮮國王咨文轉奏一摺於光緒五年正月初六日奉旨該衙門知道欽此鈔錄該國王原文知照前來臣等公同閱看該國王原文內開因東萊府使尹致和狀啟接見日本國代理公使花房義質抵禮曹判書稱戊寅六月閣下致我外務卿書披讀一過見有上國字樣擡頭書寫驚訝靡已以爲違背條規丙子年兩國講定條規貴國自稱爲自主獨立條規第一款大書朝鮮國自主之邦若別有奉事之

上國是爲藩屬已不足稱爲自主獨立也故命却回請熟察良圖云云
小邦之服事上國視向內服天下所共聞知鄰國書契中於上國二字
曷敢不擡頭特書至丙子年條規云朝鮮自主之邦卽係日本所書又
其外務卿寺島宗則抵禮曹判書稱貴國以咸興永興文川安邊四邑
爲不便開港我政府未審四邑形勢現遣一艦檢測之待該艦復命更
欲令公使有所熟議協定請諒云云彼國公使屢欲開港而敝邦之德
元府元山浦逼近寢廟不得許從而使之別求港矣忽於本年春夏振
艦測水任便汎泊及今又欲熟議硬把德元地方苦要立港各等因臣
等查光緒元年十一月間日本使臣森有禮來臣衙門面遞節略據稱
欲與朝鮮修好等因臣等當云以朝鮮雖爲中國藩服其國中政教禁

令概由該國自行專主中國從不與聞等語亦備節略送交收閱曾經
奏奉諭旨照錄往來節略咨送禮部備文轉交朝鮮在案嗣於光緒二
年三月間准森有禮面遞與朝鮮和約譯漢修好條規十二款並准禮
部咨送朝鮮國王咨呈與日本辦理條約照舊修好各情亦經奏聞在
案臣等查日本與朝鮮和約十二款內第一款內有朝鮮國係自主之
邦等語今准該國王咨稱前因臣等詳核朝鮮久隸中國而政令均歸
自理其爲中國所屬固天下所共知其爲自主之國亦天下所共知所
有朝鮮答覆日本文書應由朝鮮自行斟酌復之至議增港口一節所
指地方是否必不可允能否始終堅拒非中國所能懸揣亦應由該國
揆度情形自爲主持相應請旨飭下禮部轉行朝鮮遵照以奠屬邦而

杜窺伺謹奏光緒五年正月十八日奉旨知道了

駐藏大臣松淮等奏辦理哲孟雄邊界事務完結摺

附信字

駐藏大臣松淮桂豐奏爲辦理哲孟雄邊界事務完結據實馳奏事竊前因哲孟雄稟稱來藏面陳邊界情形並該夷困苦下忱當令來至江孜汛聽候面詢辦理均於奴才松淮巡閱後藏三汛營伍摺內聲明在案經奴才松淮在江孜汛面詢大概情形重加賞賚遂將所遞各條飭交委員周湊噶布倫策旺洛布等逐一細問令其據實回覆妥擬章程稟覆核辦以期固結其心而安邊界奴才松淮轉回前藏之後屢接該委員等來稟備陳顛末遂與奴才桂豐悉心詳酌批飭妥辦並譯行商上令其善爲體恤酌加調劑經該委員等反覆詳詢善言開導不啻至

再至三該哲孟雄辦事喇嘛頭人匡子卓尼等始猶固執已見總以披
楞勢強不能阻止竟欲棄地不守諉過於唐古忒而乞一容身之地以
養餘生或乞加兵與彼夷決戰查其所稟均屬窒礙難行何可激起邊
釁嗣經批飭令其宣示利害反覆開導曉以大皇帝撫綏之恩有加無
已達賴喇嘛慈悲之念普及諸夷豈可一旦辜恩懷此不忠之舉又經
商上行知前給青稞一千克每年發給並不短少此次該委員噶布倫
又各捐給青稞五百克外重賞綢緞茶葉等物並代請奏賞頂翎執照
發給印札令其仍舊固守邊界彼此相安勿得妄行瀆請致干咎戾該
匡子卓尼等方覺感激五內俯首無辭遂具永守邊界切實甘結奴才
等亦即發給印札聲明朝廷撫綏之恩令其固守邊界彼此相安勿得

滋事飭令委員等剴切曉諭完案旋藏奴才等伏查唐古忒西南邊界毗連廓爾喀該國現與英國披楞交好通商布魯克巴兵強山險亦可與彼夷相拒惟哲孟雄地小勢弱自奪給嶺早被披夷占據之後山勢險阻已失出產青稞亦少其難駐守之言實非妄行捏造若不隨時加意撫恤設法羈縻仍恐將來難免另生枝節奴才等悉心籌維曷敢稍忽惟有仰體聖主撫綏邊疆一視同仁之心竭力盡心因時制宜鎮靜地方安撫諸夷以期仰答高厚鴻慈於萬一耳謹將辦理哲夷全卷咨送軍機處以備察核謹奏光緒五年二月初七日奉旨

節錄掌辦商上事務呼圖克圖信字

自乾隆五十七年廓爾喀滋擾唐古忒邊界以內地方之時蒙簡命

將軍福等前來勦辦將廓爾喀收入屬下分別唐古忒及廓爾喀邊界藏屬聶拉木絨轄爾濟嚨等處蒙中堂派委設立鄂博乾隆五十九年蒙駐藏大臣和派員將帕克里及哲孟雄邊界雅納山暨曾毋納山頂上設立鄂博至雅納山以內分定係唐古忒管屬地面已蒙分別邊界內外而哲孟雄邊界係屬邊外之地此項不獨乾隆年間有案嗣於道光二十五年蒙琦瑞二位大人定章條款內哲孟雄及足浪並洛敏湯等部凡專差進藏者均要邊界營官查明人數詳細稟明駐藏大臣以憑查核再行准入內界地境等諭是以至今如有哲孟雄專差或有書信呈請二位大人查閱請示此次據稱求准披楞來藏通商和好免得哲孟雄等於中爲難不然即求將哲屬所有

地方照舊取回承管或准現存哲屬地土概請漢番收管部長親族人等卽於藏屬無論何地改地安置一層均屬礙難准行云云

使俄崇厚奏行抵俄京並謁見外部摺

欽差出使大臣崇厚奏爲恭報行抵俄國日期並接見外部情形專摺
馳陳事竊臣於十月初四日行抵上海後曾將出洋日期奏明在案十四日午刻開船晝夜兼行道經香港西貢新嘉坡及印度洋之錫蘭亞丁紅海蘇爾士過新開河入地中海至那波里於十一月二十四日始抵法國馬塞海口登岸計自上海至此水程二萬六千七百餘里二十六日上火輪車次日抵法國都城巴黎出使英法國大臣郭嵩燾於跪請聖安後率同參贊隨員等與臣接見次日往拜法國外部尙書瓦登

頓俄國駐法使臣阿羅福英國駐法使臣來陽斯俄國告假開缺之前駐京使臣倭良嘎理初四日行抵德國都城柏林署出使德法國大臣道員李鳳苞跪請聖安後率同隨員及大學士李鴻章派令學習兵法之武弁等與臣接見臣察看李鳳苞留心時務辦事安詳於中外輿地情形頗能洞悉其隨員及武弁等亦均遇事講求尙堪造就計自馬塞至俄路程八千數百餘里沿途屢易輪車於十二月初八日行抵俄國都城彼得斯伯克其外部遣前署天津領事官孟弟來接論及欽差等渠以國書未經載明爲辭查本年八月二十五日臣接准總理衙門咨稱本衙門具奏出使大臣有全權字樣者作爲頭等一摺八月二十三日奉旨依議欽此欽遵行知遵照在案特恐其時未經照會俄國駐京

使臣故其國諉爲不知當即照錄咨文與訂期往見外部王大臣請遞國書之事各辦具照會飭令參贊邵友濂於次日前往外部面交國書副本一併持交十一日臣往見其外部尙書格爾斯彼復言及國書未經載明等第字樣臣卽告以八月二十三日所奉諭旨及辦給照會之意據格爾斯云已電報駐中國署使臣凱陽德俟總理衙門覆文到日卽行照辦現呈遞國書時可按照全權大臣接待臣查全權大臣本係國書載明字樣其所稱自屬可行十三日格爾斯與前駐京俄國使臣布策來臣寓所拜見談次格爾斯述及彼國副將撒斯前在新疆時大學士左宗棠相待極優布策亦謂前在天津及爲駐京使臣與臣相識計有十餘年之久察其情意頗爲款洽臣當告以奉命前來係朝廷慎